

Namo tassa bhagavato arahato sammāsambuddhassa.

Bālāvatāra

Paṇāma

[Ka]

Sabbaṃ niruttipathapāragataṃ sabuddhaṃ,
Buddhaṃ tilokatilakaṃ hatapāpadhammaṃ;
Dhammaṃ vimuttisukhadam vihatāghasaṃghaṃ,
Saṃghaṃ ca niccamabhivandiya dakkhiṇeyyaṃ.

[Kha]

Vuddhippattosmi muddho mama varagaravo sīlapaññādisobhe,
Candādicceva suddhe varajinaṭhapite sāsanaḅbhe patīte;
Nissāyevā tipemā paṇamiya sirasā niccomesaṃ saritvā,
Pādambhoje guṇagge hataduritamalo ānubhāvena tassā.

[Ga]

Porāṇa sīhaḷa padattha vinicchayañca,
Sabbampi māgadhaniruttinayaṃ pasatthaṃ;
Aññañca nekavidha sakkata saddasatthaṃ,
Pāramparābhata matañca nisamma sammā.

[Gha]

Bālāvatāra varamāgadha saddasatthe,
Dubodha nekapadaattha vinicchayena;
Atthāya ādhunika bālaparamparāya,
Bālāvatāra varagaṇṭhipadaṃ karissaṃ.

[Ṇa]

Niccaṃ ye mettha bālā varahadayayutā suṭṭhu nikkhitanettā,
Puñṇe nānāyānaṃ suratarusadise dhīrapāsaṃsiye ve;
Gambhīraṃ duttaraṃ te jinavacanudadhīṃ tiṇṇathāmā bhaveyyuṃ,
Laddhopāyā ca candaṃ taditarapacuraṃ sakkataṃ sotukāmā.

[Ca]

Ganthanipphattiyā sesa – dukkarattaṃ yathāvato;
Jānanti kusalā dhīrā, nekasatthantarādisu;
Ganthesu guṇadosampi, teyeva vidurā sadā.

[Cha]

Tasmā ettha pamādādi – dosaleso bhava yadi;
Porāṇāceraladdhīhi, vilomaṃ vā bhaveyya ce.

[Ja]

Ganthantaraṃ vigāhetvā, vicāretvā punappunaṃ;
Yuttimeva ca gaṇhantu, hutvā vīmaṃsabuddhikāti.

Paṇāma

1. Buddhaṃ tidhā bhivanditvā, buddhambuja vilocanaṃ.

Bālāvatāraṃ bhāsissaṃ, bālānaṃ buddhivuddhiyā.

1. Sandhi kaṇḍa

Saññā

2. Akkharāpādayo ekacattālīsaṃ.

Akkharāpi akārādayo ekacattālīsaṃ suttantopakārā. Taṃ yathā-a ā-i ī-u ū-e o, ka kha ga gha ṇa, ca cha ja jha ṇa, ṭa ṭha ḍa ḍha ṇa, ta tha da dha na, pa pha ba bha ma, ya ra la va sa ha ḷa aṃ-iti.

3. Tatthodantāsarā aṭṭha.

Tattha akkharesu okārantā aṭṭha sarā nāma. Tattheti vattate.

4. Lahumattā tayo rassā.

Tattha saresu lahumattā a, i, u iti tayo rassā.

5. Aññe dīghā.

Tattha saresu rassehaññe dīghā.

Samyogato pubbe eo rassā ivoccante, anantarā byañjanā samyogo. Ettha, seyyo, oṭṭho, sotthi.

6. Sesā byañjanā.

Sare ṭhapetvā sesā kādayo niggahītanta byañjanā.

7. Vaggā pañcapanāso mantā.

Byañjanānaṃ kādayo makārantā pañcapanāso akkharavanto vaggā.

8. Vaggānaṃ paṭhamadutiyā so cāghoso. Ḷantāññe ghosā. Ghosāghosasaññā ca “parasamaññā payoge”’ti saṅgahītā. Evaṃ līnga, sabbanāma, pada, upasagga, nipāta, taddhita, ākhyāta, kammappavacanīyādisaññā ca.

9. Aṃiti niggahītaṃ.

Aṃiti akārato paraṃ yo bindu sūyate, **taṃ niggahītaṃ** nāma.

Bindu cūḷāmaṇākāro, niggahītanti vuccate.

Kevalassā ppayogattā, akāro sannidhīyate.

10. A, kavagga, hā kaṇḍajā, i, cavagga, yā tālujā, u, pavaggā oṭṭhajā, ṭavagga, ra, ḷā muddhajā,

tavagga, la, sã dantajã, e kaññhatãlujo, o kaññhoññhajo, vo dantoññhajo.

Saññã

Sarasandhi

11. Loka aggoityasmim – ‘‘pubbamadhoññhita massaram sarena viyojaye’’ti pubbabyañjanam sarato puthakkãtabbam.

Sarã sare lopaṃ.

Anantare sare pare sarã lopaṃ papponti.

‘‘Nare param yutte’’ti assaro byañjano parakkharam netabbo lokaggo.

Saretyasmim opasilesiko kãsasattamã, tato vaññakãlabyavadhãne kãriyam na hoti. Yathã-mam ahã sãti, ‘‘pamãdamanuyuññanti’’tyãdigãthãyam ‘janã appamãda’nti ca. Evam sabbasandhãsu.

Anantaram parassa sarassa lopaṃ vakkhati, tasmãnena pubbassa lopo ñãyati, teneva sattamãnidhãssã paratãpi gamyate.

12. Saretyadhikãro. Pana ime pana imetãha-sarã lopaṃ itveva.

Vã paro asarũpo.

Asamãnarũpãsaramhã paro saro vã lupyate, paname, panime.

13. Bandhussa iva, na upetãtãdha –

Kvacãsavãññam lutte.

Sare lutte parasarassa kvaci asavãñño hotãti i u iccetesam ññãnasannã e o. Bandhusseva. Nopeti.

14. Tatra ayam, yãni idha, bahu upakãram, saddhã idha, tathã upamantyetasmim –

Dãgham.

Sare lutte paro saro kvaci ññãnasannam dãgham yãti. Tatrãyam, yãnidha, bahũpakãram, saddhãdha, tathũpamam.

15. Kiṃsu idhetyatra –

Pubbo ca.

Sare lutte pubbo ca kvaci dãgham yãti. Kiṃ sũdha.

16. Te ajja, te ahaññettha –

Yamedantassãdeso.

Sare pare antassa ekãrassa kvaci yo ãdeso hoti, tyajja, ‘‘dãgha’’nti byaññane pare kvaci dãgho, tyãham.

Kvacīti kiṃ. Nettha.

17. So assa, anu etityettha –

Vamodudantānaṃ.

Sare pare anto kārukārānaṃ kvaci vo ādeso hoti. Svassa, anveti.

Kvacīti kiṃ. Tayassu, sametāyasmā.

18. Idha ahaṃ tīdha –

Do dhassa ca.

Sare pare dhassa kvaci do hoti. Dīghe – idāhaṃ. Kvacīti kiṃ. Idheva. Cakārena byañjanepi, idha bhikkhave.

19. Patī antuṃ, vutti assetīha –

Ivaṇṇo yannavā.

Sare pare ivaṇṇassa yo navā hoti. Kata yakārassa tissa “sabbo cantī”ti kvaci cādeso “paradvebhāvo ṭhāne”ti sarato parabyañjanassa ṭhānāsannavasā dvittamaṃ. Paccantaṃ, vutyassa.

Navāti kiṃ. Paṭaggi,

Ettha “kvaci paṭi patisse”ti patissa paṭi, vaṇṇaggahaṇaṃ sabbattha rassadīgha saṅgahaṇatthamaṃ.

20. Yathā evetīha –

Evādissa ri pubbo ca rasso.

Sarato parassa evassādiekāro rittamaṃ navā yāti. Pubbo ca ṭhānāsannaṃ rassaṃ. Yathariva. Yatheva.

21. Na imassa, ti aṅgikaṃ, lahu essati, attha atthaṃ, ito āyati, tasmā iha, sabbhi eva, cha abhiññā, putha eva, pā evatīha vā tveva –

Ya va ma da na ta ra lā cāgamā.

Sare pare yādayo āgamā vā honti, cakārena go ca. Nayimassa, tivaṅgikaṃ, lahumessati, attadatthaṃ, itonāyati, tasmātiha, sabbhireva, chaḷabhiññā, puthageva, “rassa”nti byañjane pare kvaci rasso. Pageva.

Vāti kiṃ. Cha abhiññā, putha eva, pā eva.

Ettha “sare kvacī”ti sarānaṃ pakati hoti, sassarūpameva, na vikārotyattho.

22. Abhi uggatotyatra –

“Abbho abhī”ti abhissa abbho. Abbhuggato.

Sarasandhi

Byañjanasandhi

23. Byañjanetyadhikāro. Kvacīveva. So bhikkhu, kacci nu tvaṃ, jānema tantīha –

Lopañca tatrākāro.

Byañjane pare sarānaṃ kvaci lopohoti, tatra lutte ṭhāne akārāgamo, cakārena okārukārāpi. Sabhikkhu kaccino tvaṃ, jānemu taṃ.

Kvacīti kiṃ, somuni.

24. Ughoso, ākhātantīha – dvebhāve ṭhāne itveva.

Vagge ghosāghosānaṃ tatiyapaṭhamā.

Vagge ghosāghosānaṃ catutthadutiyaṇaṃ tabbagge tatiyapaṭhamā honti yathāsankhyaṃ yutte ṭhāne, ugghoso, rasse akkhātāṃ.

25. Para sahaṣsaṃ, atippakhotīha – “kvaci o byañjane”ti okārāgamo. Parosahaṣsaṃ. Gāgame ca, atippagokho.

26. Ava naddhātyatra – “o avasse”ti kvaci avassa o. Onaddhā.

Kvacīti kiṃ. Avasussatu.

Byañjanasandhi.

Niggahītasandhi

27. Niggahītantyadhikāro. Kiṃ kato, saṃ jāto, saṃ ṭhito, taṃ dhaṇaṃ, taṃ mittantiha –

Vaggantaṃ vā vagge.

Vaggabyañjane pare bindussa tabbaganto vā hoti. Kīnkato, sañjāto, saṇṭhito, tandhaṇaṃ, tammittaṃ.

Vāti kiṃ. Na taṃ kammaṃ.

Vākāreṇeva le lo ca. Pulliṅgaṃ.

28. Vātyadhikāro. Evaṃ assa, etaṃ avocetīha –

Madā sare.

Sare pare binduno ma dā vā honti. Evamassa, etadavoca.

Vāti kiṃ. Maṃ ajjini.

29. Taṃ eva, taṃ hītiha –

Eheññaṃ.

Ekāre, he ca pare binduno ño vā hoti. Dvitte – taññeva, tameva. Tañhi, taṃ hi.

30. Saṃyogotīha –

Saye ca.

Yakāre pare tena saha binduno ño vā hoti. Dvitte – saññogo, saṃyogo.

31. Cakkhu aniccaṃ, ava sirotīha - āgamo, kvacitveva.

Niggahītañca.

Sare, byañjane vā pare kvaci bindvāgamo hoti. Cakkhuṃaniccaṃ, avamsiro.

32. Vidūnaṃ aggaṃ, tāsamaṃ ahaṃtīha –

“Kvaci lopamaṃ”ti sare bindulopo, vidūnaggaṃ. Dīghetāsāhaṃ.

33. Buddhānaṃ sāsanaṃ, samaṃ rāgotīha –

“Byañjane ce”ti bindulopo, buddhānasāsanaṃ. Dīghesārāgo.

34. Bījamaṃ ivetīha –

Paro vā saro.

Binduto paro saro vā lupyate, bījamaṃva.

35. Evaṃ assetīha –

Byañjano ca visaññogo.

Binduto pare sare lutte saṃyogo byañjano vinaṭṭhasaṃyogo hotīti pubbasalopo. Evaṃsa.

Niggahītasandhi.

Vomissaka sandhī

36. Anupadiṭṭhānaṃ vuttayogato.

Idhānidḍiṭṭhā sandhayo vuttānusārena ñe yyā, yathā – yadi evamaṃ, bodhi aṅgātīha – yādese iminā suttana dayakārasaṃyogassa jo, dhayakārasaṃyogassa jho, dvitte – yajjevamaṃ, bojjaṅgā.

37. Asadisasaṃyoge ekasarūpatā ca.

Pari esanātīha – yādese rakārassa yo, payyesa nā.

38. Vaṇṇānaṃ bahuttaṃ, viparītātā ca.

Sarati, iti eva, sā itthī, busamaṃ eva, bahu ābādho, adhi abhavi, sukhaṃ, dukkhaṃ, jīvotīha –

Māgamo sakāre akārassa u ca, sumarati.

Issa vo, itveva.

Paralope ākārassa o, sotthī.

Mādese, pubbadīghe ca ekārassa i. Busāmiva.

Vādese havakāravipariyayo. Bahvābādho.

Adhissa kvaci addho, dīghe-addhābhavi.

Binduno, okārassa ca e. Sukhe, dukkhe, jīve.

39. Radānaṃ ḷo, paṭibodho, pariḷāho.

40. Sare, byañjane vā pare binduno kvaci mo. Mama abhāsi, buddhama saraṇaṃ, pubbe mo paraṃ na netabbo ayuttattā.

41. Binduto parasarāna maññassaratāpi.

Taṃ iminā, evaṃ imaṃ, kiṃ ahaṃ tīha-issa a. Tadaminā.

Issa u, akārassa ca e, bindulopādo. Evumaṃ, kehaṃ.

42. Vākyasukhuccāraṇatthaṃ, chandahānitthañca vaṇṇalopopi.

Paṭisaṅkhāya yonisotīha – pubbayalopo, paṭisaṅkhāyoniso.

43. Alābūṇityādo akāralopo. Lābūni sīdanti, silā plavanti.

44. Vutyabhedāya vikāropi.

Akaramhase tetyādo sakāre garuno ekārassa iminā lahuakāro, akaramhasa te kiccaṃ.

45. Akkharaniyamo chandaṃ, garulahuniyamo bhava vutti,

Dīgho, saṃyogādīpubbo rasso ca garu, lahu tu rasso. Yathā- ā, assa, aṃ, a.

46. Evamaññāpi viññeyyā, saṃhitā tantiyā hitā;
Saṃhitāti ca vaṇṇānaṃ, sannidhabyavadhānato.

Vomissakasandhi.

2. Nāmakaṇḍa

Pullīṅga

47. “Jinavacanayuttaṃ hī”ti sabbatthādhikāro.

Liṅgañca nipaccate.

Dhātuppaccayavibhattivajjitamatthayuttaṃ saddarūpaṃ liṅgaṃ nāma, jinavacanayoggaṃ liṅgaṃ idha ṭhapīyati nipphādīyati ca.

48. Buddhaiti ṭhite –

Tato ca vibhattiyo.

Tasmā līngā parā vibhattiyo honti. Cakārena tāsam ekavacanādīpaṭhamādisaññā ca.

“Si yo aṃ yo nā hi sa naṃ smā hi sa naṃ smiṃ sū” ti vibhattiyo. Si yo iti paṭhamā, aṃ yo iti dutiyā, nā hi iti tatiyā, sa naṃ iti catutthī, smā hi iti pañcamī, sa naṃ iti chaṭṭhī, smiṃ su iti sattamī.

Līngatthe paṭhamā.

Yo kammakattādivattantaramappatto sassarūpaṭṭho suddho, so **līngattho** nāma, tassābhīdhanamate paṭhamāvibhatti hoti. Tassāpaniyame ekamhi vattabbe ekavacanāṃ si, vuccate nenetivacanāṃ, ekassatthassa vacanāṃ ekavacanāṃ. Evaṃ bahuvacanāṃ.

Atotveva.

So.

Akārāntā parassa sissa o hoti.

Saralopo mādesappaccayādīmi saralope tu pakati.

Aṃādīsū paresu sarassa lopo hoti, tasmīṃ kate tu kvacādinā asavaṇṇe patte pakati hoti.

Naye paraṃ yutte. Evamupari saralopādi. Buddhō.

Bahumhi vattabbe bahuvacanāṃ yo.

Ato vātveva.

Sabbayonīnamāe.

Akārāntā paresam paṭhamadutiyāyonīnam yathāsāṅkhyam āe vā honti. Buddhā.

Vāti kiṃ. Aggayo.

49. Līngatthe paṭhamātveva.

Ālapane ca.

Abhimukhīkaraṇamālapanaṃ, tadadhike līngatthe paṭhamā hoti.

“Ālapane si gasañño” ti sissa gasaññā. Geitveva.

Akārā pitādyantānamā.

Ge pare akāro pitusatthattarājādīnamanto ca āttam yāti.

“Ākāro vā” ti ge pare ākārasa rasso vā.

Sesato lopaṃ gasīpi.

So siṃ syā ca sakhāto gassevātyādiniddiṭṭhehaññe avaṇṇivaṇṇuvaṇṇokārāntā sesā, tehi pare gasī lupyante. He - buddha, buddhā. Yo - buddhā.

50. Kammatthe dutiyā.

Yaṃ karoti, taṃ kammaṃ nāma. Tattha dutiyā hoti. Aṃbuddhaṃ. Yossa e-buddhe.

51. Tatiyātveva.**Kattari ca.**

Yo karoti, sa kattā nāma. Tattha tatiyā hoti. Nā.

Ato nena.

Akārā paro nā enaṃ yāti. Buddhena.

Hi.

Suhisvakāro e.

Suhisu paresvakārassa e hoti.

Smāhisminnaṃ mhābhimhi vā.

Sabbasaddehi paresaṃ smāhisminnaṃ yathāsankhyaṃ mhābhimhiiccete vā honti. Buddhehi, buddhehi.

52. Karaṇe tatiyā.

Yena vā kayirate, taṃ karaṇaṃ nāma. Tattha tatiyā hoti. Sabbaṃ kattusamaṃ.

53. Sampadāne catutthī.

Yassa dātukāmo rocate, dhārayate vā, taṃ sampadānaṃ nāma. Tattha catutthī hoti. Sa.

Ato vātveva.

Āya catutthekavacanassa tu.

Akārā parassa catutthekavacanassa āyo vā hoti. Buddhāya.

“Sāgamo se”’ti se sakārāgamo. Buddhassa. Naṃ.

Dīghantveva.

Sunaṃhisu ca.

Sunaṃhisu paresu sarādīnaṃ dīgho hoti. Casaddena kvaci na. Buddhānaṃ.

54. Apādāne pañcamī.

Yasmādapeti, bhayamādatte vā, tadapādānaṃ nāma, tattha pañcamī hoti. Smā.

Ato āetveva.

55. Smāsminnaṃ vā.

Akāraṃ paresaṃ smāsminnaṃ āe vā honti. Buddhā, buddhamhā, buddhasmā. Buddhebhi, buddhehi.

56. Sāmiṃ chaṭṭhī.

Yassa vā pariggaho, taṃ sāmī nāma. Tattha chaṭṭhī hoti. Buddhassa. Buddhānaṃ.

57. Okāse sattamī.

Yodhāro, tamokāsaṃ nāma. Tattha sattamī hoti. Smiṃ-buddhe, buddhamhi, buddhasmiṃ. Su-buddhesu.

58. Buddho buddha sukhaṃ dadāti sarato buddhaṃ tato dukkaraṃ,
Kiṃ buddhena mahiddhayopi munayo buddhena jātāsukhī;
Buddhasseva manaṃ dade padamaḥaṃ buddhā labheyyācutaṃ,
Buddhassiddhi na kiṃ kare bhavabhava bhattyatthu buddhe mama.

59. Ito paraṃ tatiyāpañcamīnañca catutthīchaṭṭhīnañca sarūpattā pañcamīchaṭṭhiyo bhīyo upekkhante.

60. Atta, si.

Brahmattasakharājādito tveva.

Syā ca.

Brahmādito sissa ā hoti. Attā.

“Yonamāno”ti brahmādito yonaṃ ānottaṃ. Attāno.

61. He - atta, attā. Yo, attāno.

62. “Brahmattasakharājādito amāna”nti brahmādito aṃvacanassa ānaṃ vā hoti. Attānaṃ, attāṃ. Attāno.

63. Attena, attanā. Pakkhe-jinavacanānurodhena enābhāvo.

“Attānto hismimanattaṃ”ti himhi attantassa ano. Attanehi. Evaṃ karaṇe.

64. “Sassa no”ti nokāro. Attano. Attānaṃ.

65. Amhatumhantu rājābrahmattasakha satthupitādīhi smā nāva.

Amhādito smā nā iva hoti. Attanā.

66. “Tato sminnī”ti smino ni. Attani. “Anatta”nti bhāvaniddesena sumhi ca ano. Attanesu.

67. Rājā attāva. Nā.

Savibhattissa rājassetveva.

Nāmhī raññā vā.

Nāmhī savibhattissa rājasaddassa raññā vā hoti. Raññā, rājena.

Rājassa rāju sunaṃhisu ca.

Sunaṃ hisu paresu rājassa rāju hoti, cakārena kvaci na.

“Sunaṃhisu ceti” dīghe - rājūbhi, rājūhi, rājebhi, rājehi.

68. Savibhattissetyadhikāro.

“Rājassa rañño rājino se”ti se rañño rājino honti. Rañño, rājino.

“Raññaṃ namhi vā”ti namhi raññaṃ vā. Raññaṃ, rājūnaṃ, rājānaṃ.

69. Smāssanātulyattā-nāmhī raññā vā. Raññā, rājamhā, rājasmā.

70. “Smimhi raññe rājini”ti smimhi raññe rājini honti. Raññe, rājini. Rājūsu, rājesu.

71. Guṇavantu, si.

Savibhattissa ntussetveva.

“Ā simhī”ti simhi savibhattissa ntussa ā. Guṇavā.

Yomhi paṭhametveva.

Ntussa nto.

Paṭhame yomhi savibhattissa ntussa ntokāro hoti. Guṇavanto.

Sunaṃhisu attamaṃtveva.

Ntussanto yosu ca.

Sunaṃhisu, yosu, cakārena aññesupi paresu ntussanto attamaṃ yāti. Guṇavantā.

72. Savibhattissetyadhikāro. Aṃtveva.**Avaṇṇo ca ge.**

Ge pare savibhattissa ntussa aṃmā honti. Heguṇavaṃ, guṇava, guṇavā. Yo - guṇavanto, guṇavantā.

73. Attamaṃ – guṇavantamaṃ. Guṇavante.

74. “Totitā sasmaṃ nāsvī”ti savibhattissa ntussa nāmhī tā, se tokāro, smimhi ti ca vā. Guṇavatā, guṇavantena. Guṇavantebhi, guṇavantehi.

75. Guṇavato, guṇavantassa.

“Namhi tamaṃ vā”ti namhi ntussa tamaṃ vā. Guṇavatamaṃ, guṇavantānaṃ. Smā nāva.

76. Guṇavati, guṇavante, guṇavantamhi, guṇavantasmim, guṇavantesu.

77. Gacchanta, si.

“Simhi gacchantādīnaṃ ntasaddo a’’nti ntasaddassa aṃvā, silopo. Gacchaṃ, sissa o – gacchanto.

Gacchantādīnaṃ ntasaddotveva.

Sesesuntuva.

Vuttaṃ hitvā sesesu gacchantādīnaṃ ntasaddo ntu iva daṭṭhabbo. Gacchanto, gacchantāiccādi.

Sesaṃ guṇavantusamaṃ.

78. Gacchantādayo nāma antappaccayantā.

79. Aggi, silopo.

“Ivaṇṇuvaṇṇā jhalā’’ti ivaṇṇuvaṇṇānaṃ yathāsaṅkhyāṃ jhalasaññā.

Jhalato vātveva.

Ghapato ca yonaṃ lopo.

Ghapajhalato yonaṃ lopo vā hoti.

Yosu katanikāralopesu dīghaṃ.

Kato nikāro lopo ca yesaṃ tesu yosu sarānaṃ dīgho hoti. Aggī. Pakkhe-attantveva.

Yo svakatarasso jho.

Yosu akatarasso jho attamaṃ yāti. Aggayo. Tathālapane.

80. Aṃ mo niggahītaṃ jhalapehi.

Jhalapato aṃ mo ca binduṃ yanti. Aggim. Aggī, aggayo.

81. Agginā. Dīghe-aggībhi, aggīhi.

82. “Jhalato sassa no vā’’ti sassa nottaṃ vā. Aggino, aggissa. Aggināṃ.

83. “Jhalato ce’’ti smāssa nā. Agginā.

84. Aggimhi, aggismim. Aggīsu.

85. Ādi aggīva. Smimno pana “ādito o ce’’ti aṃ, o ca vā. Ādi, ādo, ādimhi, ādismim. Ādīsu.

86. Daṇḍī, si.

“Agho rassa’’mādinā rasse sampatte “na sismimanapuṃsakānī’’ti simhi anapuṃsakānaṃ na rasso. Silopo, daṇḍī, yolope – daṇḍī. Pakkhe –

Agho rassamekavacanayosvapi ca.

Ekavacanayosu jhalapā rassaṃ yanti.

Jhato katarassātveva.

Yonaṃ no.

Katassā jhato yonaṃ nottaṃ hoti. Daṇḍino.

87. “Jhalapā rassa”nti ge pare jhalapānaṃ rasso. Hedaṇḍi. Daṇḍī, daṇḍino.

88. Vā aṃitveva.

“Naṃ jhato katarassā”ti aṃiccassa naṃ vā. Daṇḍinaṃ, daṇḍiṃ. Daṇḍī, daṇḍino.

89. Daṇḍinā. Daṇḍībhi, daṇḍīhi.

90. Daṇḍino, daṇḍissa. Daṇḍīnaṃ.

91. Jhato katarassātveva.

“Sminnī”ti smino ni. Daṇḍini. Daṇḍīsu.

92. Bhikkhu, silopo.

Vā yonaṃtveva.

“Lato vo kāro ce”ti lato yonaṃ vottaṃ vā.

Attaṃ akatarassotveva.

Vevasu lo ca.

Vevasu akatarasso lo attaṃ yāti. Bhikkhavo, pakkhe – yolopa dīghā. Bhikkhū.

93. He-bhikkhu.

“Akatarassā lato yvālanassa vevo”ti ālapane yossa vevokārā, attaṃ. Bhikkhave, bhikkhavo, bhikkhū.

94. Bhikkhuṃ. Bhikkhavo, bhikkhū. Sesam aggīva.

95. Evaṃ jantu. Jantū, jantavo.

“Lato vokāro ce”tiha kāraggaṇena yonaṃ nottaṃ, cakārena kvaci vononamabhāvova viseso. Jantuno, jantuyo.

96. Satthu, si.

“Satthupitādīnamā sismiṃ silopo ce”ti satthādyantassa ā, silopo ca. Satthā.

Satthupitādīnantyadhikāro.

Aññesvārattaṃ.

Sitoññesu sathhādyantassa āro hoti.

Tato yonamo tu.

Tato ārato yonaṃ o hoti. Satthāro.

97. He-sattha, satthā. Satthāro.

98. Satthāraṃ. Satthāre, satthāro.

99. ‘‘Nā ā’’ti ārato nāssa ā. Satthārā. Satthārebhi, satthārehi.

100. U sasmim̐ salopo ca.

Se sathhādyantassa u hoti salopo ca vā. Satthu, satthuno, satthussa.

‘‘Vā namhī’’ti namhi āro vā. Satthārānaṃ.

‘‘Satthunāttañce’’ti namhi sathhādyantassa attamaṃ vā. Dīghesatthānaṃ.

101. ‘‘Tato smimī’’ti ārato smino i. ‘‘Āro rassamīkāre’’ti imhi ārassa rasso. Satthari. Satthāresu. Evaṃ nattādi.

102. Pitā sattheva. ‘‘Pitādīnamasimhī’’ti sitoññesu ārassa rasso vaseso. Pitaro.

Namhi – pitūnantipi hoti. Evaṃ bhātuppabhutayo.

103. Abhibhū. Rasse-abhibhuvo. Yolopeabhibhū. Sesamaṃ bhikkhūva, rasso vaseso.

104. Evaṃ sabbaññū. Pubbeva yonaṃ nokāro ca. Sabbaññuno, sabbaññū.

105. Go.

Gāvaitveva.

‘‘Yosu ce’’ti gosaddokārassa āvo, ‘‘tato yonamo tu’’tīha tusaddena yonaṃ o. Gāvo. Tathālapane.

106. Avamhi ca.

Amhi pare gosaddokārassa āvaavā honti, casaddena hinaṃvajjitesu sesesupi.

107. ‘‘Āvassu vā’’ti amhi āvantassa uttamaṃ vā, gāhvaṃ, gāvaṃ, gavaṃ. Yo-gāvo. Gāvena, gavena. Gobhi, gohi.

108. ‘‘Gāva se’’ti se ossa āvo. Gāvassa, gavassa. ‘‘Tato na’’mādo cakārena namiccassa amaṃ, ossa avo ca. Gavaṃ.

109. ‘‘Suhināsu ce’’tīha cakārena gossa gu ca. Dvutte-gunnaṃ, gonaṃ. Gāvā, gavā, gāvamaṃ, gavamaṃ, gāvamaṃ, gāvamaṃ. Gobhi, gohi.

110. Gāve, gave, gāvamhi, gavamhi, gāvasmim̐, gavasmim̐. Gāvesu, gavesu, gosu.

Pullīngā.

Itthilīṅga

111. Kaññā. Silopo.

“Ā gho”ti itthiyam̐ ākārassa ghasaññā. Yo lope – kaññā. Pakkhe – kaññāyo.

112. “Ghate ce”ti gassa e. He-kaññe. Kaññā, kaññāyo.

113. Kaññam̐. Kaññā, kaññāyo.

114. Āya ekavacanassetveva.

“Ghato nādīna”nti nādekavacanānamāyo. Kaññāya. Kaññābhi, kaññāhi.

115. Kaññāya. Kaññānam̐.

116. **Ghapato smim̐ yam̐ vā.**

Ghapehi smino yam̐ vā hoti. Kaññāyam̐, kaññāya. Kaññāsu.

117. Ratti, silopo.

“Te itthikhyā po”ti itthiyamivaṇṇuvaṇṇānam̐ pasaññā. Yolopadīghā. Rattī. Pakkhe – rattiyo. Tathālapane.

118. Rattim̐, rattī. Rattiyo.

119. Ekavacanassa nādīnantveva.

“Pato yā”ti nādekavacanānam̐ yā. Rattiyā. Rattībhi, rattīhi.

120. Rattiyā. Rattīnam̐.

121. Rattiyam̐, rattiyā. Rattīsu.

122. Nadī. Sesam̐ rattīva. Aghattā rassova viseso.

123. Yāgu rattīva.

124. Mātu, dhītu, duhitvādayo piteva.

125. Jambū nadīva.

Kaññāiti ṭhite –

Itthiyamato āpaccayo.

Itthiyam̐ vattamānā akārantato āpaccayo hoti. Saralopapakalyādi. Kaññā.

“Dhātuppaccayavibhatti vajjitamatthavaṃ līṅga”nti vacanato paccayantassāliṅgattā taddhitādisutte cakārena nāmamiva kate – syādi. Evaṃ īnīsu.

Evaṃ ajā, eḷakā, kokilā, assā, mūsikā, balākā, mandā, jarāiccādi.

126. Itthiyantyadhikāro.

Nadādito vā ī.

Itthiyaṃ nadādito vā anadādito vā ī hoti. Nadī, nagarī, kumārī, brāhmaṇī, taruṇī, kukkuṭī, itthī iccādi.

“Mātulādīnamānattamīkāre”ti īmhi mātulādyantassa āno. Mātulānītyādi.

Anadādito vā ī. Sakhī, hatthī.

Bhavato bhoto.

īmhi bhavantassa bhoto hoti. Bhotī.

127. “Na va ṇikaṇeyya ṇantūhī”ti ī. Mānavī, nāvīkī, venateyyī, gotamī.

128. “Ntussa tamīkāre”ti ntussa to vā. Guṇavatī, guṇavantī. Dhitimatī, dhitimantī.

Ntassa ntubyapadeso. Mahatī, mahantī.

129. Patibhikkhurājīkārantehi inī.

Patyādīhi ikārantehi ca itthiyaṃ inī hoti.

“Patissinīmhi”ti patyantassa atte saralopādo tukārena lopābhāvo. “Vā paro asarūpā”ti ilopo, dīgho ca. Gahapatānī, bhikkhunī, rājīnī, medhāvinī, tapassinī, dhammacāriṇī, bhayadassāvinī, bhuttāvinītyādi.

Itthiliṅgā.

Napuṃsakaliṅga

130. Citta, si.

Napuṃsakehi ato niccanteva.

Siṃ.

Akāranteti napuṃsakehi sissa nicaṃ aṃ hoti. Cittāṃ.

Yonaṃ ni napuṃsakehitveva.

Ato nicaṃ.

Akārantehi na puṃsakehi yonaṃ nicaṃ ni hoti, nissa ā. Cittā. Pakkhe – yosvādinā dīghe – cittāni.

131. Galope – he – citta. Cittā, cittāni.

132. Cittam. Nissa e – citte, cittāni. Sesam buddhova.

133. Mana, si, manam.

Nā vātveva.

134. Manogaṇādito sminnānamiā.

Manādito sminnānam iā vā honti.

Sa sare vāgamo.

Vibhatyādese sare pare manādito sāgamo vā hoti. Manasā.

135. Sassa co

Manādito sassa o hoti, casaddena smāssa ā ca. Manaso, manasā.

136. Manasi. Sesam cittamva.

137. Manam siram uram tejam, rajam ojam vayam payam;
Yasam tapam vacam cetam, evamādi manogaṇo.

138. Guṇavantu, si.

“Am napuṃsake”’ti simhi savibhattissa ntussa am. Guṇavam. Ntussa tte – guṇavantāni.

139. Yotoñṇam pumeva. Evaṃ gaccham.

140. Aṭṭhi.

Vātveva.

“Yonanni napuṃsakehi”’ti yonam ni vā. Aṭṭhīni. Jhattā yolope – aṭṭhī. Tathālapane.

141. Aṭṭhim, aṭṭhīni, aṭṭhī. Sesam aggīva.

142. Daṇḍī, si.

Aghattā rasso, daṇḍi. Yotoñṇam pumeva.

143. Āyu aṭṭhīva.

Napuṃsakalingā.

Pumitthilinga

144. Pumitthilingā – ghaṭa, kaṭa, yaṭṭhi, muṭṭhi, sindhu, reṇuppabhutayo dvipada catuppada jātivācino ca.

Yathā – ghaṭo, ipaccaye-ghaṭī. Eso yaṭṭhi, esā yaṭṭhiccādi.

Dvipadajātivācino yathā – khattiyō. Āpaccaye- khattiyā, samaṇo, īmhi-samaṇīccādi.

Catuppadajātivācino yathā – gajo, ā-gajā, byaggho, īmhi - byagghīccādi.

Pumanapuṃsakaliṅga

145. Pumanapuṃsakaliṅgā – dhamma, kamma, brahma, kusuma saṅgama, paduma, assama, vihāra, sarīra, suvaṇṇa, vaṇṇa, kahāpaṇa, bhavana, bhuvana, yobbana, bhusana, āsana, sayana, odana, ākāsa, upavāsa, māsa, divasa, rasa, thala, phala, raṭṭha ambu, madhvādayo.

Itthinapuṃsakaliṅga

146. Itthinapuṃsakaliṅgā – nagara, accippamukhā.

Sabbaliṅga

147. Sabbaliṅgā – taṭa puṭa patta maṇḍala kalasā dayo, nāmīkatā, sabbanāmāni ca. Yathā – taṭo, īmhi – taṭī, taṭamiccādi.

Nāmīkatā yathā – devadatto, ā – devadattā devadattamiccādi.

Sabbanāma

148. Sabba, katara, katama, ubhaya, itara, añña, aññatara, aññatama, pubba, para, apara, dakkhiṇa, uttara, eka, ya, ta, eta, ima, amu, kiṃ, tumha, amha-iti sabbanāmāni.

Sabbo buddhova. Ayaṃ viseso.

Yotveva.

Sabbanāmakārate paṭhamo.

Sabbādīnamakārato paro paṭhamo yo ettaṃ yāti sabbe.

“Tayo neva ca sabbanāmehi”’ti nisedhā sasmāsminnaṃ āya ā e na honti. Sabbassa.

Sabbato naṃ saṃsānaṃ.

Sabbādito naṃiccassa saṃsānaṃ honti.

Akāro eitveva.

Sabbanāmānaṃ namhi ca.

Namhi sabbādīnamakārassa e hoti. Sabbesaṃ, sabbesānaṃ.

149. Itthiyaṃ ā, sabbā kaññāva. Ayaṃ viseso. Vātveva.

Ghapato smiṃsānaṃ saṃsā.

Ghapasaññāto sabbādito smiṃsānaṃ saṃsā vā honti.

“Saṃsāsvevakavacanesu ce”’ti sāgamo.

Gho rassam.

Ekavacanasamsāsu gho rassam yāti. Sabbassā, sabbāya. Sabbāsam, sabbāsānam. Sabbassam, sabbāyam. Sabbāsu.

Netāhi smimāyayā.

Ghapaññāhi sabbādīhi smino āya yā na honti.

150. Napuṃsake – sabbam. Sabbāni. Evaṃ dutiyā.

Sabbādayo napuṃsake tatiyādīsu sakasakapumasamā. Evaṃ ya - saddantā.

151. Pubbaparāparehi tu smino “yadanupapannā nipātanā sijjhantī”ti anitthiyam e vā. Pubbe, pubbasmimiccādi.

Ekasaddo saṅkhyātulyaññāsahāyattho. Yadā saṅkhyattho, tadekavacano, aññattha sabbavacano ca.

Yādīnamālapanam natthi.

152. Ta, si.

Simhi sam anapuṃsakassetveva.

Etatesam to.

Simhi anapuṃsakānam etataiccetesam takārassa sa hoti. So.

Tassa vā nattam sabbattha.

Tilīngesu sabbādīnam takārassa no vā hoti. Ne, te. Sesam sabbasamam, nattamva viseso.

153. Itthiyam – sā, nā, nāyo, tā, tāyoiccādi.

Vātveva.

Tato sassa ssāya.

Tāetāimāhi sassa ssāyo vā hoti.

Samsāsvekavacanesu iitveva.

Tassā vā.

Ekavacanasamsāsu tāsaddassa ā ittam vā yāti. Tissāya, tissā, tassā, tāya. Tāsam, tāsānam. Tissam, tassam, tāyam. Tāsu.

154. Napuṃsake – tamiccādi.

155. Eso. Sesam sabbasamam.

156. Itthiyam – esā.

Saṃsāsvekavacanesvetveva.

Etimāsami.

Ekavacanasāṃsāsu etāimānamantassa i hoti. Etissāya, etisā, etāya. Etāsaṃ, etāsānaṃ. Etissaṃ, etassaṃ, etāyaṃ. Etāsu. Sesāṃ sabbāva.

157. Napuṃsake – etaṃ iccādi.

158. Ima, si.

“Anapuṃsakassāyaṃ simhī”ti imassa ayaṃ. Silopo. Ayaṃ, ime. Imaṃ, ime.

“Animi nāmi ce”ti imassa ano, imi ca. Anena, iminā.

“Sabbassimasse vā”ti sunaṃhisu evā. Ehi, imehi. Vā smāsasmiṃsaṃsāsavattantveva.

Imasaddassa ca.

Sasmāsmiṃsaṃsāsu imassa attāṃ vā hoti. Assa, imassa. Esaṃ, esānaṃ, imesaṃ, imesānaṃ. Asmā, imamhā, imasmā. Ehi, imehi. Asmiṃ, imamhi, imasmiṃ. Esu, imesu.

Attapakkhe – “na timehi katākārehī”ti smāsminnaṃ mhāmi na sikkhante.

159. Itthiyaṃ – ayaṃ. Sesāṃ etāva, saṃsāsavattāṃva viseso.

160. Napuṃsake – savibhattissa vātveva.

“Imassidamaṃsisu napuṃsake”ti imassa idaṃ vā. Idaṃ, imaṃ ime, imāni. Evaṃ dutiyā.

161. Amu, si.

Vā anapuṃsakassa simhitveva.

“Amussa mo saṃ”ti massa so vā, silopo. Asu.

“Sabbato ko”ti sabbanāmato kāgamo. “So”ti o, amuko, pakkhe – amu. Amū, amuyo.

Pubbeva yonaṃ vokāro na. Amuṃ. Amū, amuyo. Sesāṃ bhikkhūva sabbādikāriyāññatra.

162. Itthiyaṃ – asu. Sesāṃ yāgusamaṃ. Visesoṃ – amussā, amuyā. Amūsaṃ, amūsānaṃ. Amussaṃ, amuyaṃ. Amūsu.

163. Napuṃsake – savibhattissa aṃsisu napuṃsaketveva.

“Amussādum”ti aduṃ. Aduṃ. Amū, amūni. Evaṃ dutiyā.

164. “Sesesu ce”ti sabbattha kissa ko. Ko, kā, kaṃ iccādi. Liṅgattaye sabbasamo.

165. Tumha, si, amha, si.

Savibhattissa tumhamhānantyadhikāro.

Tvamahaṃ simhi ca.

Simhi savibhattīnaṃ tumhāmhānaṃ tvaṃ ahaṃ honti. Casaddena tumhassa tuvaṃ ca. Tvaṃ, tuvaṃ, ahaṃ. Yo – tumhe.

“Mayaṃ yomhi paṭhame”’ti amhassa mayaṃ hoti. Mayaṃ.

166. “Taṃmamamhī”’ti amhi taṃ maṃ honti.

“Tavaṃ mamañca navā”’ti amhi tavaṃ mamañca navā.

“Tumhassa tuvaṃ tvamamhī”’ti tumhassa tuvaṃ, tvañca. Taṃ, tavaṃ, tuvaṃ, tvaṃ, maṃ, mamaṃ.

Ākantveva.

“Vā yoppaṭhamo”’ti dutiyāyossa ākaṃ vā. Tumhākaṃ, tumhe. Amhākaṃ, amhe.

167. “Nāmhī tayā mayā”’ti nāmhī tayā mayā honti. “Tayātayīnaṃ takāro tvattaṃvā”’ti tassa tvo vā. Tvayā, tayā, mayā. Tumhehi, amhehi.

168. “Tava mama se”’ti se tava mama honti.

“Tuyhaṃ mayhaṃ ce”’ti se tuyhaṃ mayhañca.

“Sassaṃ”’ti sassa aṃ vā.

“Amhassa mamaṃ savibhattissa se”’ti se amhassa mamaṃ ca. Tava, tuyhaṃ, tumhaṃ, mama, mayhaṃ, amhaṃ, mamaṃ.

“Tumhamhehi namākaṃ”’ti naṃvacanassa ākaṃ. Tumhākaṃ, amhākaṃ. Smānāva.

169. “Tumhāmhānaṃ tayi mayī”’ti smimhi tayi mayi honti. Tve kate - tvayi, tayi, mayi, tumhesu, amhesu. Liṅgattaye samaṃ.

170. Navātveva.

Padato dutiyā catutthī chaṭṭhīsu vono.

Atthajjotakā vaṇṇā **padam**, dutiyā catutthī chaṭṭhī bahuvacanesu paresu padasmā paresaṃ savibhattīnaṃ tumhāmhānaṃ vonokārā navā honti.

Rakkhatu vo, passatu no, dadāti vo, dadāhi no, saddhā vo, satthā no.

Navāti kiṃ, eso amhākaṃ satthā.

171. Padatotyadhikāro.

“Temekavacanesu ce”’ti catutthīchaṭṭhekavacanesu te me honti. Dadāmi te, dadāhi me, idaṃ te, ayaṃ me.

“Naamhī”’ti amhi nisedho. Passetha taṃ, ajini maṃ.

“Vā tatiye ce”’ti tatiyekavacane te me vā honti. Kataṃ te tayā vā. Kataṃ me mayā vā.

“Bahuvacanesu vono”’ti tatiyābahuvacanesu vo no honti. Bahuvacane paṭhame yomhi ca. Kataṃ vo, kataṃ no, gāmaṃ vo gaccheyyātha, gāmaṃ no gaccheyyāma.

Saṅkhyā

172. Saṅkhyā vuccate.

Ekasaddo sabbanāmesu vutto.

173. Dvādayo aṭṭhārasantā bahuvacanantā.

Savibhattissa, itthipumanapūṃsakasaṅkhyanti cādhikāro.

“Yosu dvinnaṃ dve ce”’ti dvissa dve hoti. Dve, dve, dvībhi, dvīhi.

No ca dvādito namhi.

Namhi dvādito nakārāgamo hoti. Dvinnaṃ, dvīsu, liṅgattaye samaṃ.

174. Ticatunnaṃ tisso catasso tayo cattāro tīṇi cattāri.

Yosu itthipumanapūṃsakesu savibhattīnaṃ ticatunnaṃ tisso catasso ādayo honti. Tayo, tayo, tībhi, tīhi, tinnaṃ.

“Iṇṇamiṇṇannaṃ tīhi saṅkhyāhī”’ti tisaddato naṃiccassa iṇṇaṃ iṇṇannaṃ ca. Tiṇṇaṃ, tiṇṇannaṃ, tīsu.

175. Itthiyaṃ-tisso, tisso, tībhi, tīhi.

“No cā”’do cakārena namhi ssaṃāgamo, vaggantetissanaṃ, tīsu.

176. Napūṃsake-tīṇi, tīṇi, tīhi.

177. Cattāro.

“Osare ce”’tīha cakārena yosu ussa uro. “Tato yonamotū”’tīha tukārena yonaṃ o. Caturo. Evaṃ dutiyā. Catūhi, catunnaṃ, catūsu.

178. Itthiyaṃ, catasso, catasso, catūhi. Pubbeva ssaṃāgamo. Yadādinā ussa attamaṃ. Catassannaṃ, catūsu.

179. Napūṃsake, cattāri, cattāri.

180. “Pañcādīna makāro”’ti yosu savibhattissa pañcādyantassa attamaṃ. Pañca, pañca.

“Pañcādīna mattamaṃ”’ti sunaṃhisu pañcādyantassa attamaṃ. Edīghānamapavādayaṃ. Pañcahi, pañcannaṃ, pañcasu. Liṅgattaye samaṃ.

181. Evaṃ cha satta aṭṭha nava dasādayo aṭṭhārasantā.

182. Vīsatyādayo ānavutiyā itthilingā ekavacanantā, vīsati rattīva. Evaṃ tiṃsati.

Cattālīsaṃ paññāsaṃ saddehi parāsaṃ sabbāsaṃ vibhattīnaṃ ‘‘sabbāsamā’’dotīha ādisaddena lopo, saṭṭhi vīsati va. Evaṃ sattati asīti navuti.

Sataṃ napuṃsakamekavacanaṃ. Evaṃ sahasādi.

Koṭi vīsati va.

183. Rāsibhede tu sabbattha bahuvacanaṃpi. Yathā-dvevīsatiyo buddhadantā. Tisso vīsatiyo dinaghaṭikā. Evamaññatra.

Eseso etantippasiddhi, lokassa hoti yatthatthesu.

Thīpumanapūṃsakānityuccante, tānimāni lokenāthā.

Alīṅga

184. Alīṅgā vuccante.

Kvaci to pañcamyatthe.

Līṅgato pañcamyatthe kvaci toppaccayo hoti.

‘‘Tvādayo vibhattisaññāyo’’ti toppabhutidānyantānaṃ vibhattisaññā. Tasmā tadantānaṃpi vibhatyantatā padattaṃ siddhanti na puna vibhatti. Corasmā corato. Evaṃ pitito, ettha ‘‘pitādīna masimhi’’ tyatrāsīmhiḡgahaṇena tomhi pitādīnaṃ ussa i.

Imassi thandānihatodhesu ca.

Thaṃādīsu paresu imassa i hoti. Ito.

‘‘Sabbassetassākāro vā’’ti tothesvetassa attama vā, ato, etto. Pakkhe- ‘‘saralopā’’dinā akāralopo.

‘‘Tratothesu ce’’ti kissa ku. Kuto.

‘‘Kvaci to’’ti suddadvidhākaraṇena sattamyatthe ca to hoti, ādisimḡ, ādito.

185. ‘‘Tratha sattamiyā sabbanāmehi’’ti sattamyatthe trathappaccayā honti. Sabbasimḡ, sabbatra, sabbattha, dvittama. Evaṃ atra, attha. Ettha ‘‘tre nicca’’nti pubbe etassa a. Kutra, kuttha.

‘‘Sesesu ce’’ti kādese-kattha.

186. ‘‘Kismā vo ce’’ti vappaccayo. ‘‘Kissa ka vece’’ti ko, kakārākāralopo. Kva.

187. ‘‘Hiṃ haṃ hiñcana’’nti kasmā hiṃ ādipaccayā. ‘‘Ku hiṃ haṃsu ce’’ti kissa ku. Cakārena hiñcanaṃ dācanaṃsu ca. Kuhiṃ, kuhaṃ, kuhiñcanaṃ.

188. ‘‘Tamaḡ ce’’ti hiṃhaṃ. Tahimḡ, tahaṃ.

189. ‘‘Yato hiṃ’’ti hiṃ. Yahimḡ.

190. ‘‘Imasmā hadhā ce’’ti hadhā. Iha, idha.

191. ‘‘Sabbato dhī’’ti dhi. Sabbadhi.

192. Kāletyadhikāro.

“Kimsabbaññekayakuhi dādācana”nti kiṃ ādito dā, dācanaṃ ca. Kasmim kāle kadā, kudācanaṃ.

“Sabbassa so dāmi vā”ti sabbassa so vā. Sadā, sabbadā.

193. “Tamhā dāni ce”ti dāni, dā ca. Tadāni, tadā.

194. Yadādinā imasaddā, samānāparehi ca yathāsankhyaṃ jja juppaccayā, ima, samānānaṃ a, sā ca. Ajja, sajju, aparajju.

195. “Imasmā rahidhunādāni ce”ti raḥyādippaccayā. “Eta rahimhī”ti imassa eto. Etarahi.

“A dhunāmi ce”ti imassa a. Adhunā, idāni.

196. Lopam itveva.

Sabbāsamāvusopasagganipātādīhi ca.

Etehi parā sabbā vibhattī lupyante. Tvaṃ āvuso, tumhe āvuso.

Upasagganipāta

197. Upasagganipātā vuccante.

Pa parā ni nī u du saṃ vi ava anu pari adhi abhi pati su ā ati api apa upa ete vīsatyupasaggā.

Ca na va vā mā hi dhi ci ku tu nu ce re he sve ve vo kho no to yaṃ naṃ taṃ kiṃ handa kira eva kīva yāva tāva vata vatha atha aṅga iṅgha taggha āma nāma nūna puna pana āha saha sakkā labbhā heṭṭhā ārā dūrā divā navā vinā nānā addhā mudhā micchā pacchā āvi sakkhi sacchi bahi yadi iti kinti atthi sotthi khalu nanu kimu assu yagghe sace have suve are pure namo tiro adho atho aho raho hīyo bhīyo anto pāto sudaṃ kallaṃ evaṃ dhuvaṃ alaṃ halaṃ sayam sāyam samam sāmam kāmaṃ pāram oraṃ ciraṃ huraṃ ahaṃ sahaṃ uccaṃ nīcaṃ sakiṃ saddhiṃ, athavā antarā ārakā bahirā bahiddhā yāvata tāvatā samantā sāmanta āmantā sammukhā carahi tarahi sampati āyati upari yāvade tāvade tiriyaṃ sanikaṃ sasakkaṃ ettāvata parammukhā kittāvata etarahi aññadatthu seyyathidaṃ appevanāma bhīyosomattāya iccādayo nipātā.

198. Sadiṣā ye tiliṅgesu, sabbāsu ca vibhattīsu.

Vacanesu ca sabbesu, te nipātāti kittitā.

Yathā – uccaṃ rukkho, latā, gharaṃ vā, uccaṃ rukkho. He rukkha, rukkhaṃ, rukkkena, rukkhasa, rukkhasmā, rukkhe vā iccādi. Uccaṃ rukkho, rukkha vā iccādi. Evaṃ latā, gharāni.

199. Ubhayesu vibhatyatta -
Kriyadesa samaya disāguṇatthehi;
Sabbāpi yathāyogaṃ,
Vibhattiyōññehi tuppāṭhamā.

Taṃ yathā – adhiantosaddehi sattamī. Sayamsaddā tatiyā, chaṭṭhī ca. Namosaddā paṭhamā, dutiyā ca. Pāraṃsaddā sattamī. Divāsaddā paṭhamā, dutiyā, sattamī ca. Heṭṭhāsaddā sattamī. Uccaṃsaddā sabbāpi. Pasaddā ca casaddā ca paṭhamā, hesaddā ālapane paṭhamā. Tathāññehipi.

200. Upasaggā sabbepi saddantarena saha payujjante. Nipātā tu keci visumpi. Yathā – pahāro, paharati, sā ca so ca bhāsati vā karoti vā, sotthityādi.

201. Ekekaliṅgaṃ dviliṅgaṃ, tiliṅgaṃ cāpyaliṅgikaṃ.

Catudheti nāmaṃ nāmaṃ, namatyatthanti kittitaṃ.

Nāmikaṃ.

3. Samāsakaṇḍa

Samāsalakkhaṇādi

202. Nāmānaṃ samāso yuttatthotyadhikāro. **Samāso**ti bhinnatthānaṃ padāna mekatthatā. **Yuttattho**ti aññamaññasambandhattho.

Vibhāsātyadhikātabbaṃ vākyatthaṃ.

Kammadhārayasamāsa

203. “Mahanto ca so vīro cā”ti vākye –

Dvipade tulyādhikaraṇe kammadhārayo.

Bhinnappavattinimittā saddā ekasmiṃ vatthuni pavattā tulyādhikaraṇā, visesanavisesassabhūtā samānādhikaraṇā dve padā yadā samasyante, tadā so samāso kammadhārayo

Nāma, idha vā samāsasuttāni saññādvārena samāsavidhāyakāni.

Aggahitavisesanā buddhi visessamhi na uppajjatīti visesanaṃ pubbaṃ hoti, samāseveva tulyādhikaraṇattassa vuttattā tappakāsanatthaṃ payuttā samāsato atirittā ca so iccete “vuttaṭṭhānamappayogo”ti ñāyā nappayujjante. Evamaññatra.

Tesaṃ vibhattiyo lopā ca.

Tesaṃ yuttatthānaṃ samāsānaṃ pubbuttarapadānaṃ vibhattī lupyante, cakārena kvaci na.

Tato mahanta vīra iti ca rūpappasaṅge –

Pakati cassa sarantassa.

Vibhattīsu luttāsu sarantassa pubbabhūtassa, parabhūtassa ca assa samāsapadassa pakati hotītiha luttākārā punānīyante.

Tato mahanta vīraiti ṭhite –

“Mahataṃ mahā tulyādhikaraṇe pade”ti mahantassa mahā.

Taddhita samāsa kitakā nāmaṃvātavetunādīsu ca.

Taddhitādayo nāmaṃ iva daṭṭhabbā taveppabhutipaccaye vajjetvā.

Tato vatticchāya syādi. Mahāvīro, mahāvīraiccādi.

204. Kammadhārayo dvando ca, tappuriso ca lābhino.

Tayo parapade liṅgaṃ, bahubbīhi padantare.

205. Rattā ca sā paṭi cāti rattapaṭi, mahantī ca sā saddhā cāti mahāsaddhā. Ettha “kammadhārayasaññe ce”ti pubbpade pumeva kate āpaccayānaṃ nivutti.

206. Nīlañca taṃ uppalañcāti nīluppalaṃ, satthīva satthi, satthi ca sā sāmā cāti satthisāmā. Mukhameva cando mukhacando.

Visesanavisessānaṃ yathecchattā kvaci visesanaṃ paraṃ hoti, khattiyabhūtoiccādi, icchā ca yathātanti.

Ubhe tappurisa samāsa

207. Nasaddā si, tassa lopo. Na suro asuro.

Ettha kammadhāraye kate – “ubhe tappurisā”ti tappurisasaññā. “Attannassa tappurise”ti nassa a. Na asso anasso. Ettha “sare ana”ti nassa ana.

208. “Nāmānaṃ samāso”ti sutte dvidhākate ayuttatthānampī kvaci samāso. Na puna geyyā apunageyyā gāthetyādi. Ettha geyyena sambandho na-saddo ayuttatthenāpi punena yogavibhāgabālā samasyate.

Digusamāsa

209. Tayo lokā samāhaṭā tilokaṃ.

Ettha “saṅkhyāpubbo digū”ti kammadhārayassa digusaññā. ‘Digussekkattam’ti ekattam, napuṃsakattañca.

Suddhatappurisasamāsa

210. Tappurisā tveva.

Amādayo parapadehi.

Dutiyantādayo parapadehi nāmehi yadā samasyante, tadā so samāso tappuriso nāma.

Gāmaṃ gato gāmagato.

“Passa vāsīṭṭha gāmaṃ, gato tisso sāvattim”tya trāyuttatthātāya na samāso. Tathā ññatra ñeyyaṃ.

211. Raññā hato rājahato.

Kiccantehi bhīyo adhikatthavacane.

Tabba, anīya, ṇya, teyya, riccappaccayā **kiccā**. Thutinindatthamajjhāropitattaṃ vacanaṃ **adhikatthavacanaṃ**. Soṇaleyyo kūpoiccādi. Soṇehi yathā liyhate, tathā puṇṇattā **thuti**. Tehi ucchiṭṭhattā **nindā** ca.

Dadhinā upasittam bhojanaṃ dadhibhojanaṃ, samāsapadeneva upasittakriyāya kathanā natthetthāyuttatthātā. Upasittasaddāppayogo pubbeva.

212. Karaṇe tu-asinā kalaho asikalaho.

213. Buddhassa deyyaṃ buddhaddeyyaṃ, parassapadaṃ, ettha vibhatyalopo. Evaṃ attanopadamiccādi.

214. Corasmā bhayaṃ corabhayaṃ. Evaṃ baddhanamuttocādi.

215. Rañño putto rājaputto.

“Brāhmaṇassa kaṇhā dantā” iccatra dantāpekkhā chaṭṭhīti kaṇhena sambandhābhāvā na samāso. Yadā tu kaṇhā ca te dantā ceti kammadhārayo, tadā chaṭṭhī kaṇhadantāpekkhāti brāhmaṇakaṇhadantāti samāso hoteva.

216. “Rañño māgadhasa dhana” ntyatra raññoti chaṭṭhī dhana mapekkhate, na māgadhaṃ. Rājā eva māgadhasaddena vuccateti bhedābhāvā sambandhābhāvoti tulyādhikaraṇena māgadhena saha rājā na samasyate. Dviṭṭho hi sambandho.

Rañño asso puriso ce” tyā tra rañño asso, rañño puriso ti ca paccekaṃ sambandhato sāpekkhatā atthīti na samāso. “Asso ca puriso cā” ti dvande kate tu rājassapurisāti hoteva, aññāpekkhattā.

“Rañño garuputto” iccatra rājāpekkhinopi garuno

Puttena saha samāso, gamakattā. Gamakattampi samāsassa nibandhanaṃ. Tattha garuno puttoti viggaho, evamaññatra.

217. Rūpe saññā rūpasaññā.

Kvaci nindāyaṃ - kūpe maṇḍūko viya kūpamaṇḍūko. Evaṃ nagarakāko iccādi. Atropamāya nindā gamyate.

Antevāsiko tyādo vibhatyalopo.

Bahubbīhisamāsa

218. Aññapadatthesu bahubbīhi.

Appaṭhamantāna maññesaṃ padānaṃ atthesu dve vā bahūni vā nāmāni yadā samasyante, tadā so samāso bahubbīhi nāma.

Āgatā samaṇā yaṃ sā āgatasamaṇo, vihāro.

219. Jitāni indriyāni yena so jitindriyo, bhagavā. Āhito aggi yena so āhitaggi. Agyāhito vātyādo yathēcchāṃ visesanassa paratā.

220. Karaṇe tu-chinno rukkho yena so chinnarukkho, pharasu.

221. Dinno suṅko yassa so dinnasuṅko, rājā.

222. Niggatā janā yasmā so niggatajano, gāmo.

223. Dasa balāni yassa so dasabalo, bhagavā. Natthi samo yassa so asamo. Ettha “attannassā” ti yogavibhāgena nassa a.

Pahūtā jivhā yassa so pahūtajivho, mahantī paññā yassa so mahāpañño. Dvīsu

“itthiyambhāsītapumitthīpumāva ce”ti pumbhāvātidesā pubbuttarapadesu āippaccayānamabhāvo.

224. “Kvaci samāsantagatānamakāranto”ti antassa attam. Kāraggahaṇena ā i ca. Itthiyamivaṇṇantā, tvantehi ca kappaccayopi. Yathā - visālam akkhi yassa so visālakkho, paccakkhadhammā, silopo. Sobhano gandho yassa so sugandhi. Bahukantiko, bahunadiko, samuddo. Ettha yadādinā rasso. Bahukattuko. Mattā bahavo mātāṅgā yasmim taṃ mattabahumātāṅgaṃ, vanaṃ.

Tulyādhikaraṇo.

225. Suvaṇṇassa viya vaṇṇo yassa so suvaṇṇavaṇṇo. Vajiraṃ pāṇimhi yassa so vajirapāṇi. Uraṣi lomāni yassa so urasilomo. Ettha vibhatyalopo.

“Atthesū”ti bahuttaggahaṇena kvaci paṭhamantānampi. Saha hetunā yo vattate so sahetuko, “yadā” dinā sahassa so.

226. Satta vā aṭṭha vā sattaṭṭha, māsā, etthaññapadattho vā saddassattho. Dakkhiṇassā ca pubbassā ca disāya yaṃ antarālam, sā dakkhiṇapubbā, disā.

Bhinnādhikaraṇo.

Appaṭhamantānanti kiṃ, desito buddhena yo dhammo.

Dvandasamāsa

227. Nāmānaṃ samuccayo dvando.

Samuccayo, ti piṇḍikaraṇaṃ ekavibhattikānaṃ nāmānaṃ yo samuccayo, so dvando nāma, idaṃ suttaṃ bahuvacanavisayaṃ.

Cando ca sūriyo ca candasūriyā. Tiṭṭhanti tyādi-

Kriyāsambandhasāmaññato atthetthāpekattatā, evaṃ naranāriyo, akkharapadāni.

228. Tathā dvande pāṇi turiya yogga senaṅga khuddajantuka vividha viruddha visabhāgatthādīnaṅca.

Vividhenākārena viruddhā **vividhviruddhā**, sabhāgā sadisā, vividhā ca te sabhāgā ceti **visabhāgā**. Yathā digusamāse, tathā dvande pāṇyaṅgatthādīnaṃ ekattaṃ, napuṃsakattaṅca hoti.

Cakkhusotaṃ, gītavāditam, yuganaṅgalaṃ, hatthassaṃ, asicammaṃ, ḍaṃsamakasaṃ, kokālūkam.

Nāmarūpaṃ, nāmaṃ namanalakkhaṇaṃ, rūpaṃ ruppanalakkhaṇaṃ. Evamete dhammā lakkhaṇato vividhā, paramatthato sabhāgā ca.

Ādisaddenāññatthāpi. Yathā - bhinnaliṅgānaṃ - itthipumaṃ. Yadādinā rasso, dāsīdāsaṃ, pattacīvaraṃ. Gaṅgāsoṇaṃ.

Saṅkhyāparimāṇānaṃ - tikacatukkaṃ.

Sippīnaṃ - veṇarathakāraṃ.

Luddakānaṃ - sākuntika māgavikaṃ.

Appāñijātīnaṃ - ārasatthi.

Ekajjhāyanabrāhmaṇānaṃ - kaṭhakālāpaṃ iccādi.

229. Vibhāsā rukkhā tiṇa pasu dhana dhañña janapadādīnaṃca.

Dvande rukkhādīnaṃ ekattaṃ napuṃsakattaṃca vā hoti.

Dhavakhadiraṃ, dhavakhadirā, muñjapabbajaṃ, muñjapabbajā, ajeḷakaṃ, ajeḷakā, hiraññasuvaṇṇaṃ, hiraññasuvaṇṇāni, sāliyavaṃ, sāliyavā.

Kāsikosalaṃ kāsikosalā.

Ādisaddena aññesupi vā. Yathā – niccavirodhīnamaddabbānaṃ - kusalākusalaṃ, kusalākusalāni.

Sakuṇīnaṃ - bakabalākaṃ, bakabalākā.

Byañjanaṃ - dadhighataṃ, dadhighatāni.

Disānaṃ - pubbāparaṃ, pubbāparā iccādi.

Abyayībhāvasamāsa

230. Adhisaddā smiṃ, tassa loṇo. Adhisaddena tulyādhikaraṇattā itthisaddāpismiṃ. Niccasamāsattā ādhārahūtāyāmitthiyanti padantarena viggaho. Adhi itthiyanti ṭhite –

Upasagganipātapubbako abyayībhāvo.

Upasaggādipubbako saddo vibhatyatthādīsu samāso hoti, abyayībhāvasañño ca.

“So napuṃsakaliṅgo”ti abyayībhāvo napuṃsakaliṅgo, yadādinā ekavacano ca.

“Saro rasso napuṃsake”ti rasso.

Aññasmā loṇo ca.

Anakārantā abyayībhāvā parā sabbā vibhattī lujjare. Adhitthi, vibhattīnamattho ādhārādi.

Idhādhisaddo ādhārevattate, adhitthiiccetam padaṃ itthiya miccetamattham vadati.

Samīpaṃ nagarassa upanagaraṃ. “Aṃvibhattīnamakārantabyayībhāvā”ti vibhattīnaṃ kvaci aṃ.

Kvacīti kiṃ. Upanagare.

Abhāvo makkhikānaṃ nimmakkhikaṃ rasso. Anupubbo therānaṃ anutheraṃ, anatikkamma sattim yathāsatti.

Ye ye buḍḍhā yathābuḍḍham, vicchāyaṃ.

Yattako paricchedo jīvassa yāvajīvaṃ, avadhāraṇe.

Ā pabbatā khettaṃ āpabbataṃ khettaṃ, mariyādāyaṃ, vajjamānā sīmā mariyādā, pabbataṃ vinātyattho.

Ā jalantā sītaṃ ājalantaṃ sītaṃ, abhividhimhi, gayhamānā sīmā abhividhi, jalantena sahetyattho.

Āsaddayoge “dhātunāmā”dinā apādānavidhāneneva vākyampi siddhaṃ. Tathāññatra.

231. “Uttamo vīro pavīro” iccādo pana pubbapatthappadhānattābhāvābyayībhāvābhāvo kammadhārayoeva. Evaṃ visiṭṭho dhammo abhidhammo. Kucchitaṃ annaṃ kadannaṃ. Etttha “kada kussā”ti sare kussa kadādeso.

Appakaṃ lavaṇaṃ kālavaṇaṃ, ettha “kāppatthesu cā”ti kussa kā, bahuvacanenāññatrāpi kvaci. Kucchito puriso kāpuriso, kupuriso vā, evamasurādi.

Pubbaparūbhayamaññapadattha - ppadhānābyayībhāva samāso;
Kammadhārayaka tappurisā dve, dvendo ca bahubbīhi ca ñeyyā.

Samāso.

4. Taddhitakaṇḍa

Apaccataddhita

232. Vāṇapacce.

Chaṭṭhantā saddā “tassāpacca”miccasmiṃ atthe ṇo vā hoti. Vāti vākyatthaṃ. Nenevāpaccatthassa vuttattā apaccasaddāppayogo.

“Tesaṃ vibhatyā” do tesaṃgahaṇena vibhattilopo. Tathottaratra.

“Tesaṃ ṇo lopaṃ”ti paccayānaṃ ṇassa lopo.

“Vuddhādisarassa vā saṃyogantassa saṇe ce”ti saṇakāre pare asaṃyogantassādisarassa vuddhi.

Tassāpaniyame –

Ayuvaṇṇānañcāyo vuddhi.

Akārivaṇṇuvaṇṇānaṃ āeovuddhiyo honti, casaddena kvaci na.

Saralopādi, taddhitattā nāmamiva kate syādi.

Taddhitābhidheyyaliṅga–vibhattivacanā siyuṃ.

Samūhabhāvajā bhīyo, sakatthe ṇyo napuṃsake.

Tā tutthiyaṃ nipātā te, dhāmithampaccayantakā.

Vasiṭṭhassāpaccaṃ poso vāsiṭṭho, itthī vāsiṭṭhī, napuṃsakaṃ vāsiṭṭhaṃ. Vikappavidhānato taddhitena samāsassāccantaṃ bādhāyā bhāvā vasiṭṭhā paccantipi hoti.

Napumsakena vāpīti, saddasatthavidū viduṃ.

233. Vā apacceti cādhikāro.

Ṇāyana ṇāna vacchādito.

Vacchādito gottagaṇato ṇāyano ṇāno ca vā hoti.

Apaccaṃ paputtappabhuti gottaṃ. Kaccassāpaccaṃ kaccāyano, kaccāno vā. Saṃyogantattā na vuddhi.

234. “Ṇeyyo kattikādīhī” ti ṇeyyo, vinatāya apaccaṃ venateyyo vinateyyo vā. Na pakkhe vuddhi, ṇeyyoti yogavibhāgena “tassa dīyate” tyattheṇi ṇeyyo, dakkhiṇā dīyate yassa so dakkhiṇeyyo.

235. Ato ṇi vā.

Akārantato apacce ṇi vā hoti, puna vāsaddena ṇiko, akārantā anakārantā ca bopi.

Dakkhi, sakyaputtiko, maṇḍabbo, bhātubbo. Dvittaṃ.

236. “Ṇavo pagvādīhī” ti ṇavo. Manuno apaccaṃ māṇavo.

237. “Ṇera vidhavādito” ti ṇero, sāmaṇero.

Saṃsaṭṭhādiānekattatthaddhita

238. “Yena vā saṃsaṭṭhaṃ tarati carati vahati ṇiko” ti ṇiko. Vākārena nekatthenekapaccayā ca. Ghatena saṃsaṭṭho ghātiko, odano. Uḷūpena taratīti oḷūpiko, uḷūpiko vā, na pakkhe vuddhi.

Sakaṭena caratīti sākaṭiko. Sīsena vahatīti sīsiko, na vuddhi.

Itthilingato eyyako, ṇako ca. Campāyaṃ jāto campeyyako. Evaṃ bārāṇaseyyako. Ṇako – kusiṇārāyaṃ vasatīti kosinārako. Janapadato ṇako ca – magadhesu vasati, tesam issaro vā māgadhako.

Tajjātiyā visiṭṭhatthe ājānīyo. Assajātiyā visiṭṭho assājānīyo. Ño - agganti jānitabbaṃ aggaññaṃ, dvittaṃ.

239. Tamadhīte tena katādisannidhānaniyogasippabhaṇḍa jīvikatthesu ca.

Taṃ adhīte iccādīsvatthesu ādisaddena hatādīsū ca ṇiko vā hoti. Abhidhammadhīte ābhidhammiko, abhidhammiko vā, na pakkhe vuddhi. Vacasā kataṃ kammaṃ vācasikaṃ. Evaṃ mānasikaṃ, ettha –

“Sa sare vāgamo” tīhānuvattitādisaddena sāgamo.

Sarīre sannidhānā vedanā sārīrikā. Dvāre niyutto dovāriko, ettha- “māyūnamāgamo ṭhāne” ti vakārato pubbe okārāgamo.

Sippanti gītādikalā, vīṇā assa sippanti veṇiko, atra vīṇeti vīṇāvādanaṃ. Gandho assa bhaṇḍanti gandhiko, mage hantvā jīvatīti māgaviko, vakārāgamo. Jālena hatō jālika, suttana baddho suttiko, cāpo assa āyudhanti cāpiko, vāto assa ābādho atthīti vā vātiko, buddhe pasanno buddhiko, vatthena kītaṃ bhaṇḍaṃ vatthikaṃ.

Kumbho assa parimāṇaṃ, ta marahati, tesam rāsi vā kumbhiko. Akkhena dibbatīti akkhiko, magadhesu vasati, jātoti vā māgadhiko iccādi.

240. Na rāgā tena rattam tassedamaññatthesu ca.

Tena rattam tyādyatthesu ṇo vā hoti. Kasāvena rattam kāsavaṃ.

Evam nīlam pītamiccādi. Na vuddhi, mahisassa idaṃ māhisam, siṅgam.

Evam rājaporisaṃ, ettha “ayuvaṇṇānañcā” do puna vuddhiggahaṇena uttarapadassa vuddhi. Magadhehi āgato, tatra jāto, tesam issaro, te assa nivāsoti vā māgadho, kattikādīhi yutto kattiko, māso.

Buddho assa devatāti buddho. Byākaraṇaṃ avecca adhīteti veyyākaraṇo. Ettha “māyūnamā” dinā yakārato pubbe e āgamo, yassa dvittam. Sagarehi nibbato sāgaroiccādi.

241. Jātādīnamimiyā ca.

Jātādīsu imo iyo ca hoti, casaddena kiyo ca. Pacchā jāto pacchimo, manussajātiyā jāto manussajātiyo. Ante niyutto antimo, antiyo.

Evam andhakiyo. Putto assa atthīti puttimo, puttiyo. Evam kappiyo.

242. “Tadassatthānamīyo ce” ti iyo, cakārena hitādyatthepi, bandhanassa thānaṃ bandhanīyaṃ, caṅkamanassa hitaṃ caṅkamanīyaṃ.

243. “Ālu tabbahule” ti ālu. Abhijjhābahulo abhijjhālu.

Visesataddhita

244. Visese taratamissikiyitthā.

Atisayatthe tarādayo honti.

Ayametesam atisayena pāpoti pāpataro, pāpatamo, pāpissiko, pāpiyo, pāpiṭṭho vā.

“Vuddhassa jo iyitthesū” ti vuddhassa jādese – “saralopā” do pakatiggahaṇena pakatyabhāvā issa e. Jeyyo, jetṭho.

Evam “pasatthassa so ce” ti sādese seyyo, seṭṭho.

Assatthitaddhita

245. “Tadassatthīti vī ce” ti vī. Medhā assa atthīti medhāvī.

246. Evam “tapādīto sī” ti sī, dvittam, tapassī.

247. “Daṇḍādīto ika ī” ti iko, ī ca. Daṇḍiko, daṇḍī.

248. “Guṇādīto vantū” ti vantū. Guṇavā, paññavā. Yadādinā rasso.

249. “Satyādīhi mantū” ti mantū. Satimā, bhānumā.

250. “Āyussukārāsmantumhī” ti ussa asa. Āyasmā.

251. “Saddhādito ña” iti ño. Saddho.

252. “Tappakativacane mayo” ti mayo. Suvanṇena pakataṃ sovaṇṇamayaṃ, suvaṇṇamayaṃ vā. Pakkhe - yadādinā vuddhi.

Etesamo lope.

Vibhattilope manādīnamantassa o hoti. Manomayaṃ.

Saṅkhyātaddhita

253. Saṅkhyāpūraṇe tyadhikāro.

“Dvitīhi tiyo” ti tiyo, “tiye dutāpi ce” ti dvitīnaṃ dutā. Dvinnaṃ pūraṇo dutiyo, evaṃ tatiyo.

254. “Catucchehi thaṭhā” ti thaṭhā. Catuttho, chaṭṭho.

255. Tesamaḍḍhūpapadena aḍḍhuḍḍha divaḍḍha diyaḍḍhāḍḍhatiyā.

Catuttha dutiya tatiyānaṃ aḍḍhūpapadena saha aḍḍhuḍḍha divaḍḍha diyaḍḍhāḍḍhatiyā honti.

Aḍḍhena catuttho aḍḍhuḍḍho, aḍḍhena dutiyo divaḍḍho, diyaḍḍho vā, aḍḍhena tatiyo aḍḍhatiyō.

256. “Saṅkhyāpūraṇe mo” ti mo, pañcamo. Itthiyaṃ pañcannaṃ pūraṇī pañcamī.

Eko ca dasa cāti dvande kate –

Dvekaṭṭhānamākāro vā.

Saṅkhyāne uttarapade dviekaṭṭhaiccetesa mantassa ā vā hoti. Ekādasa pañcīva. Evaṃ dvādasa.

Yadādinā tissa teādese “ekādito dassa ra saṅkhyāne” ti dasasadde dassa ro. Terasa.

257. “Catūpapadassa lopo tuttarapadādicassa cucopī navā” ti catusadde tussa lopo cassa cu ca. Cuddasa.

“Dase so niccañce” ti chassa soādese – “ḷa darānaṃ” ti dasasadde dassa ḷo. Soḷasa, aṭṭhārasa.

258. “Vīsati dasesu bā dvissa tū” ti dvissa bā. Bāvīsati, ekādasannaṃ pūraṇo ekādasamo.

259. “Ekādito dasassī” ti itthiyaṃ ī. Ekādasī iccādi.

“Dvādito konekatthe ce” ti ko, dve parimāṇāni asseti dvikaṃ. Evaṃ tikādi.

260. “Samūhatthe kaṇṇā” ti kaṇa ca, ño ca. Manussānaṃ samūho mānussako, mānusso vā.

Ñe kate – “jhalānamiyuvā sare vā” tīha vākārena issa ayādese – dvayaṃ, tayaṃ. Evaṃ “gāmajanabandhusahāyādīhi tā” ti tā. Gāmatā, nāgaratā.

Bhāvataddhita

261. Nyattatā bhāve tu.

Bhāvathe nyattatā honti. Tusaddena ttano ca. Sakatthādīsipi ñyo, sakatthe tā ca.

262. Hontyasmā saddaññāni,
Bhāvo sā saddavuttiyā;
Nimittabhūtaṃ nāmañca,
Jāti dabbaṃ kriyā guṇo.

263. Yathā – candassa bhāvo candattaṃ. Iha nāmasasā candasaddo candaddabbe vattate, nimittassa rūpānugatañca ññaṃ. Evaṃ manussattanti manussajātivāsā. Yadādinā īssa rasse – daṇḍittanti daṇḍaddabbasambandhā. Pācakattanti pacanakriyāsambandhā. Nīlattanti nīlaguṇavasā.

Evaṃ ñyādīsipi yathāyogaṃ ñeyyaṃ. Ñyo.

Avaṇṇo ye lopañca.

Ye pare avaṇṇo lupyate, cakārena ikāropi.

Yavataṃ talaṇadakārānaṃ byañjanāni calaṇa jakāratta’’nti yakārayuttānaṃ tādīnaṃ cādayo, kāraggaṇena sakapabhamādito parayakārassa pubbena saha kvaci pubbarūpañca, dvittaṃ. Paṇḍiccaṃ, kosallaṃ, sāmāññaṃ, sohajjaṃ, porissaṃ, nepakkaṃ, sārappaṃ, osabbhaṃ, opammaṃ.

Āttañca.

Iuiccesamaṃ ā hoti, rikārāgamo ca thāne.

Saralopādinā ilopo. Isino bhāvo.

Ārissaṃ. Evaṃ mudutā, arahatā, ntassa yadādinā ilopo.

Puthujjanattanaṃ, akiñcanameva ākiñcaññaṃ, kuṇḍaniyā apaccaṃ kuṇḍañño, ettha vuddhādo vākārena saṃyogantassāpi vuddhi.

Padāya hitaṃ pajjaṃ, dhanāyaṃ saṃvattanikaṃ dhaññaṃ, satito sambhūtaṃ saccamaṃ, ilopo, tīsu na vuddhi. Devo eva devatā.

264. “Na visamādīhī’’ti bhāve ño. Vesamaṃ. Ujuno bhāvo ajjavaṃ. Ettha ussa ātte parūkārassa yadādinā avo.

265. “Ramaṇīyādito kaṇṭi kaṇa. Mānaññakaṃ.

Abyayataddhita

266. “Vibhāge dhā ce’’ti dhā, cakārena soppaccayo ca. Ekena vibhāgena ekadhā, nipātattā silopo. Padavibhāgena padaso.

267. “Sabbanāmehi pakāravacane tu thā’’ti thā. Tukārena thattā ca. Sabbo pakāro, sabbena pakārena vā sabbathā. Evaṃ aññathattā.

268. “Kimimehi tha’’nti thaṃ, kādese-kathaṃ. Iādese-itthaṃ, thanti yogavibhāgena thaṃ-bahutthaṃ.

269. Amalinaṃ malinaṃ karotītyādyatthe-abhūtatabbhāve gamyamāne karabhūyoge sati

nāmato yadādinā ĩppaccayo, malinīkaroti setaṃ. Abhasmano bhasmano karaṇanti
bhasmīkaraṇaṃ kaṭṭhassa. Amalino malino bhavatīti malinībhavati seto. ĩppaccayantopi nipāto.
Abhūtatabbhāveti kiṃ, ghaṭaṃ karoti, ghaṭo bhavati.

Karabhūyogeti kiṃ, amalino malino jāyate.

Avatthāvatovatthayā, bhūtassaññāya vatthuno.

Tāyāvattāya bhavanaṃ, abhūtatabbhavaṃ viduṃ.

Taddhito.